

ՀԱՇՎԵՏՎՈՒԹՅՈՒՆ
2020թ. ՓԵՏՐՎԱՐԻ 5-7-Ը ՉԵԽԻԱՅԻ ՀԱՆՐԱՊԵՏՈՒԹՅՈՒՆ ԳՈՐԾՈՒՂՄԱՆ
ԱՐԴՅՈՒՆՔՆԵՐԻ ՄԱՍԻՆ

1. ԱՆՈՒՆԸ, ԱԶԳԱՆՈՒՆԸ

Արմեն Ղազարյան

2. ԶԲԱՂԵՑՐԱԾ ՊԱՇՏՈՆԸ

ՀՀ ՏԿԵՆ միգրացիոն ծառայության պետ

3. ԳՈՐԾՈՒՂՄԱՆ ՎԱՅՐԸ/ԺԱՄԿԵՏՆԵՐԸ

Պրահա, Չեխիայի Հանրապետություն, 2020թ. փետրվարի 5-7

4. ՀՐԱՎԻՐՈՂ ԿՈՂՄԸ

ԵՄ-ի հետ վիզաների ազատականացման երկխոսությանն ուղղված պատվիրակության կազմում (պատվիրակության ղեկավար)

5. ԳՈՐԾՈՒՂՄԱՆ ՆՊԱՏԱԿԸ (ԱՇԽԱՏԱՆՔԱՅԻՆ ՈՐ ԽՆԴՐԻ ԼՈՒԾՄԱՆ ՀԱՄԱՐ ԷՐ

ՆԱԽԱՏԵՍՎԱԾ ԳՈՐԾՈՒՂՈՒՄԸ)

Չեխական կողմի հետ վիզաների ազատականացման երկխոսության հնարավոր մեկնարկին ընդառաջ բանակցությունների անցկացում

6. ՔՆՆԱՐԿՎԱԾ ԹԵՄԱՆԵՐԸ

Այցի ընթացքում կայացած հանդիպումների քննարկման հիմնական թեմաներն էին ՀՀ-ԵՄ վիզաների ազատականացման երկխոսության հնարավոր մեկնարկը և այս համատեքստում ՀՀ-ԵՄ ռեադիմիսիոն համաձայնագրի իրականացման ընթացքը: Ռեադիմիսիոն համաձայնագրի իրականացման լիազոր մարմինը հայկական կողմից Միգրացիոն ծառայությունն է:

Միգրացիոն ծառայության իրավասությունների ոլորտի քննարկման հիմնական թեմաներն առնչվում էին ռեադիմիսիոն էլեկտրոնային համակարգի գործարկմանը, անձանց նույնականացման խնդիրներին: Չեխական կողմի հետ քննարկվել են նաև տրանզիտ վիզային առնչվող խնդիրներ:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

ՀՀ միջգերատեսչական պատվիրակությունը (պատվիրակության ղեկավար՝ ՀՀ ՏԿԵՆ միգրացիոն ծառայության պետ Արմեն Ղազարյան, անդամներ՝ ՀՀ-ում Ինտերպոլի ազգային կենտրոնական բյուրոյի պետ, ոստիկանության գնդապետ Արա Ֆիդանյան, ՀՀ ԱԳ նախարարի խորհրդական Դավիթ Սարգսյան, ՀՀ ԱԳՆ Եվրոպայի վարչության պետ Տիգրան Սամվելյան) հանդիպում է ունեցել Չեխիայի ներքին գործերի նախարարի տեղակալ Յակուբ Կուլիանեկի հետ: Չեխական կողմից հանդիպմանը մասնակցել են նաև ՆԳՆ Ապաստանի և միգրացիոն քաղաքականության վարչության պետ Պավլա Նովոտնան և Միջազգային համագործակցության և ԵՄ վարչության պետ Բոհումիլ Հնիդեկը, ինչպես նաև ԱԳՆ Մուտքի արտոնագրերի վարչության երկու աշխատակիցներ: Կողմերը քննարկել են ՀՀ-ԵՄ Մուտքի արտոնագրերի ազատականացման երկխոսությունը սկսելու հնարավոր ուղիները, ինչպես նաև անդրադարձել են ՀՀ քաղաքացիների կողմից Չեխիայում ապաստան հայցելու դեպքերին: Պայմանավորվածություն է ձեռք բերվել Հայաստանի Հանրապետության և Չեխիայի Հանրապետության միջև Հետընդունման համաձայնագրի առավել արդյունավետ կիրարկման ուղղությամբ քայլեր ձեռնարկելու վերաբերյալ:

Չեխիայի ԱԳՆ-ում հայկական պատվիրակությունը հանդիպում է ունեցել Չեխիայի ԱԳՆ փոխնախարարի տեղակալ, մուտքի արտոնագրերի վարչության պետ Դավիդ Նովիի հետ: Չեխական կողմից հանդիպմանը ներկա է գտնվել նաև ԱԳՆ՝ Հայաստանի համար պատասխանատու աշխատակիցը: Կողմերը քննարկել են երկու երկրների միջև ներկայումս գործող արտոնագրային ռեժիմին առնչվող մի շարք հարցեր, խոսեցին առկա խնդիրներից և դրանց հաղթահարման հեռանկարներից:

Այցի շրջանակներում տեղի է ունեցել նաև հանդիպում, որի շրջանակներում ՀՀ ԱԳՆ Եվրոպայի վարչության պետ Տիգրան Սամվելյանին ընդունել է Չեխիայի ԱԳՆ՝ ԱլԳ հարցերով հատուկ բանագնաց Յարոսլավ Կյուրֆյուրստը: Զրուցակիցները մտքեր են փոխանակել ԱլԳ ապագայի վերաբերյալ կողմերի ունեցած տեսլականի և առաջնահերթությունների վերաբերյալ, ինչպես նաև իրենց գոհունակությունն են հայտնել հայ-չեխական երկկողմ հարաբերությունների լայն օրակարգի և կողմերի միջև համագործակցության բարձր մակարդակի առնչությամբ:

8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Հանդիպումների ընթացքում պայմանավորվածություն է ձեռք բերվել առավել արդյունավետ կերպով կիրառել ՀՀ-ԵՄ հետընդունման համաձայնագիր՝ միաժամանակ շեշտը դնելով կամավոր վերադարձի խրախուսման վրա: Չեխական կողմը նշել է, որ սկզբունքային առարկություններ չունի ՀՀ-ԵՄ վիզաների ազատականացման երկխոսության մեկնարկի առումով: Վերադարձի և անօրինական միգրացիայի դեմ պայքարի ոլորտում խնդիրներ առաջանալու

դեպքում կողմերը պայմանավորվել են դրանք լուծել աշխատանքային կարգով քննարկումների արդյունքում:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Առաջարկվում է վիզաների ազատականացման մեկնարկին ուղղված գործընթացի աշխատանքները կազմակերպել առավել համակարգված ձևով, որի առնչությամբ համապատասխան առաջարկությունը ներկայացվել է ՀՀ վարչապետի աշխատակազմ:

10. ՍՏՈՐԱԳՐՈՒԹՅՈՒՆԸ, ԱՄՍԱԹԻՎԸ

11 փետրվարի 2020թ.

